

【十種煩惱】

（科註第 868 頁倒數第 3 行 第 410 集 2012 年 7 月 4 日）

《佛學大辭典》：（名數）開六煩惱中惡見之一而為身見、邊見、邪見、取見、戒禁取見之五見。因而為十煩惱。然則六煩惱、十煩惱，實開合之不同也。

（六煩惱：貪、瞋、癡、慢、疑、惡見。）

【十種真如】

（科註第 868 頁倒數第 3 行 第 410 | 411 集 2012 年 7 月 4 日）

《佛學次第統編》：圓成實性，即諸法勝義。所謂一真法界，亦即名為真如。言真如者，真實而不虛妄，如常而無變易也。十真如者，雖真如性實無差別，而隨勝德假立十種：

- 一、遍行真如：謂此真如二空所顯，無有一法而不在故。
- 二、最勝真如：謂此真如具無邊德，於一切法最為勝故。
- 三、勝流真如：謂此真如所流教法，於餘教法極為勝故。
- 四、無攝受真如：謂此真如，無所繫屬，非我執等所依取故。
- 五、類無別真如：謂此真如，類無差別，非如眼等類有異故。
- 六、無染淨真如：謂此真如，本性無染，亦不可說後方淨故。
- 七、法無別真如：謂此真如，雖多教法，種種安立，而無異

故。

八、不增減真如：謂此真如，離增減執，不隨淨染有增減故，即此亦名相土自在所依真如，謂若證得此真如已，現相現土俱自在故。

九、智自在所依真如：謂若得此真如已，於無礙解得自在故。

十、業自在等所依真如：謂若證得此真如已，普於一切神通作業總持定門皆自在故。